

sime de his editionibus exposuit. Post has suc-  
cessit alia FRANCISCI PITHOEI, *Parisii 1603.*  
8. descripta ex Tiliiana & prima Pithoeana, sed  
quam sub specie emendationum subinde inter-  
polauit, & ex auctiori & emendatori Editione  
*Parisii 1620. 8.* Nouam eandemque accura-  
tissimam & splendidam editionem adgressus  
est STEPHANVS BALVZIVS, qui *Capi-*  
*tularia Regum Francorum* ex Ansegisi atque Be-  
nedicti collectione edidit *Parisii 1677. f.*  
Has autem collectiones cum quatuor additi-  
onibus tales repræsentauit, quales ab auto-  
ribus earum compositæ & secundum numeros  
ab antiquis allegatos. Multis adiutus fuit  
Codicibus MSCtis, præcipue vero Codici-  
bus Bibliothecæ Regiæ, Vaticanæ, ecclesiæ  
Bellouacensis, Diuionensi, Tiliiano, S. Vin-  
centii Metensis, Bigotiano, Pithœano, & Ri-  
uipullensi. Nec tamen solum Capitula Caro-  
li M. & Ludouici Pii edidit, sed etiam Caroli  
Calui, Ludouici Balbi, Carolomanni, Ottonis,  
Caroli III. Ludouici II. Capitula addidit. Ad-  
iecit Marculphi Formulas antiquas, cum ap-  
pendice, aliasque formulas veteres secun-  
dum legem Romanam, quas Sirmondicas ad-  
pellat, quia primum ex Sirmondi schedis fue-  
runt editæ. Sequuntur Bignonianæ, quas  
Hieronymus Bignonius ex Codice antiquo pri-  
mum edidit: aliæ Marculphi, quas Fridericus  
Lindenbrogius in publicum emisit; & alias For-  
mulas antiquas promotionum episcopalium,  
exorcismorum & excommunicationum ex co-  
dici.